

讀道藏記

敦煌新出唐寫本提要

六十三

讀道藏紀

寧武
南氏
校印

讀道藏記目錄

元始无量度人上品妙經四注

上清大洞真經玉訣音義

黃帝陰符經集注

黃帝陰符經疏

黃帝陰符經注

黃帝陰符經解

黃帝陰符經注解

悟真篇注釋

周易圖

大易象數鉤深圖

元始上真衆仙記

三茅真君加封事典

金蓮正宗記

陶真人內丹賦

谷神賦

靈臺經

廣黃帝本行記

穆天子傳

漢武帝內傳

列仙傳

歷世真仙體道通鑑

華陽陶隱居傳

紫陽真人內傳

西嶽華山誌

太華希夷志

金籙齋讚詠儀

宋眞宗御製玉京集

太上靈寶五符序

登眞隱訣

黃庭內景五臟六腑補瀉圖

上清後聖道君列紀

洞玄靈寶三師記

孝道吳許二眞君傳

太極葛仙公傳

南嶽九眞人傳

太極祭鍊內法

黃帝太乙八門入式訣

讀道藏記

儀徵劉師培申叔

西晉以前道書篇目略見抱朴子遐覽篇次則甄鸞笑道論頗事甄引均屬漢魏六朝古籍晚近所存什无二三即崇文總目中興書目所著錄亦復十亡其六今之道藏刊于明正德間經籙符圖半屬晚出然地志傳記旁逮醫藥占卜之書採錄轉眾匪惟諸子家言已也故乾嘉諸儒搜集舊籍恆資彼藏顧或錄副未刊致鮮傳本迄于咸同之際南藏毀于兵北藏雖存覽者逾鈔士弗悅學斯其徵矣予以庚戌孟冬旅居北京白雲觀乃段閱全藏日盡數十冊每畢一書輒誌其序跋撮其要旨若鮮別刊則囑僕人逐錄略事考訂惟均隨筆記錄未足爲定稿茲先差揀若干條錄成一帙以公同好之士云庚戌孟冬劉師培記

元始无量度人上品妙經四注

寒字號一至
寒字號四

元始无量度人上品妙經四注四卷宋陳景元集注四注者齊

嚴東唐薛幽棲李少微成玄英四家注也首列宋真宗御製靈

寶度人經序次列景元集注序題右街道錄真靖作於治平四

年次列薛序作于甲午歲庚午月趙案甲午乃唐天寶十三年據

三十九薛幽棲傳言薛為開元進士天寶初居南嶽則此序作于居南嶽後首卷題太上洞玄靈寶

无量度人上品妙經自道言昔於始青天二卷以下均題元始

无量度人上品妙經自卷自元始洞玄起至普渡天人止四卷自道

言凡有是經起至蓋首卷為道君序文卷二卷三均元始所說

也據通志藝文略所著錄有靈寶度人經一卷別有兩四卷本

一為李少微注一為道士成玄英疏義知李成二釋其單行本

均四卷陳作集注卷帙與符則所據即係李成二本矣故與鼂

志三卷本不同又據劉元道无量度人上品妙經旁通圖元道宋人

調列本藏
書字號

卷下引證章所列書目有嚴東靈寶經注薛幽棲靈

寶經注李少微靈寶經注成玄英度人經疏是嚴薛二釋宋代

亦有單行本嚴薛李三家均省稱靈寶經惟成本獨標度人經

而注體疏體亦各不同

陳本於成說均稱玄英曰亦有稱疏曰者

今四家之書均亡

賴此僅存梗概據陳序言今於四家之說刪去重複精選密義

纂成四卷則陳於四家之說刪剗頗多惟就其所采審之卷一

之注僅有薛李成三家知嚴氏未注道君前序即後三卷所錄

嚴注亦均簡要且訓詁一宗蒼雅薛注亦然兼明通段

如卷一無缺注

云缺者央也古字少以缺為央央盡也已也卷二

李注恆引古

籍間存佚書

如卷二引尹氏玄中記

卷一所引復有字林一則

卷一

引字林云悉詳此均有資於攬佚者也要之此經為道藏古經

盡也與說文同此均有資於攬佚者也要之此經為道藏古經

廣弘明集三引甄鸞笑道論所舉度人妙經悉與此同又嚴注乃

南朝舊帙

歷世真仙體道通鑑二十八年云道土嚴東不知何許

讀道藏記

二

援筆注靈寶度人經陳本經本又係唐以前故本與宋元各注

辭不停翰窮日而終

之本殊如卷一為國王帝主他本多作帝王國主卷二眇眇劫

賦六鬼峯各本峯均作鋒是也又各本下卷有附元始靈書下

篇及太極真人頌者更有列靈書上篇及太極真人跋者均出

宋人所益惟張字初通義及薛季昭注與此本同若道藏此

六十一卷本則又後人規仿此經演為六十卷者也

本又據宋刊

匡字末附經說一篇辨此經所分章節與張萬福

義所錄同音義一頁有直音而亦陳氏所採趙道一歷世真仙體道

通鑑四十九景元傳云集注靈寶度人經傳於世即此書也

上清大洞真經玉訣音義藏字號四

上清大洞真經玉訣音義一卷題三洞弟子真靖大師賜紫陳

景元撰前有自序言以朱自英本皇甫希本茅山藏本勘對隱

書此即書中凡例皇甫希本今失傳朱自英本即本藏荒字號

所收上清大洞真經六卷本也此亦道家古經計三十九章與

茅山志道山冊所舉篇數均符又真誥引大洞真經扶晨始暉

生一節今在第三章中則為六朝舊本甚明晁氏讀書志作三

十七章七
乃九訛

據趙道一歷世真仙體道通鑑

四十

劉大彬茅山志

十均言自英親往瀨鄉校勘太清宮古本則此經各本自以朱

本爲優陳氏于朱本而外復廣采各本異文上及史崇音義校

勘而外兼詮字訓所引說文恆與二徐本異則有資小學與元

應慧琳佛經音義同又史氏全書今久湮佚

僅存妙門
由起一卷

得此尙

存厓略趙道一歷世真仙體道通鑑景元傳謂所著之書有大

洞經音義即此書也

宋志有上清大洞真經玉訣
一卷不著撰人似亦此書

黃帝陰符經集注

藏字
號六

黃帝陰符經集注一卷題云伊尹太公范蠡鬼谷子諸葛亮張

良李筌注前有蜀相諸葛亮序不分篇章經至進乎象矣止注

及前序與何鏜漢魏叢書本同惟彼僅題漢張良注序無亮名

又分經文爲三篇文字亦多互異此疑七注本舊式鼂氏讀書

志有七賢注陰符經一卷通志藝文略所錄七家注亦係一卷

卽此書也

黃帝陰符經疏

閩字號一至
閩字號三

黃帝陰符經疏三卷題曰少室山李筌疏前有序文記受道驪山老母事上卷曰神仙抱一演道章至謂之聖人止計一百五字中卷曰富國演法章至小人得之輕命止計九十二字下卷曰強兵戰勝演術章至我以時物文理哲止計一百三字自然之道靜以下七十字亦附下卷之末每卷之中先注後疏注與七注本筌說不同疏則分析經義每章之末各有讚詞八語疏至文理哲三字止以下僅引張良諸注末節注云此七十言經盡不疏也是即本書略例所據之本與七家注本及各本互有異同據新唐書藝文志有李筌驪山母傳陰符玄義一卷注云筌號少室山達觀子於嵩山虎口巖石壁得黃帝陰符本題云魏道士寇謙之傳諸名山筌至驪山老母傳其說志注所云卽

本筌序又崇文總目有陰符大丹經一卷驪山老母傳通志藝

文略同別有驪山母傳陰符妙義一卷唐李筌撰

案總目又有陰符經玄義

一卷釋云張魯撰此即唐志張果傳陰符經玄義

魯乃果訛通志列妙義一卷妙義即唐志玄義也

唐李筌注復有李筌傳陰符經序一卷又玉海卷五云黃帝陰符經中興書目一卷分上中下篇驪山老母注少室山布衣李筌撰序云云鼂氏讀書志於七賢注外亦有李筌注一卷所述與書目略同蓋李注有二種一稱自注即七家注本所采是也一托之驪山母所傳此本之注是也觀玉海及鼂志並引陰者暗也一條與此本合則此注即宋人所傳筌注確然可徵唐志所云玄義亦即此書

通志析妙義與注爲二則考之未審所云序一卷蓋序之單行本

惟均不言疏爲筌作即筌序亦僅言筌注陰符不言作疏又本藏餘字

號袁淑真陰符經集解序云唐隴西李筌尤加詳釋亦不立章疏何以光暢玄文此尤筌不作疏之確徵袁序又云今輒叙三

章之要義以爲上中下三卷各述其本因義亦有等威光當作先

註略舉其綱宗後疏冀陳其周細是爲經作疏僅袁氏耳通志

列袁淑真注一卷疏三卷玉海云陰符經疏一卷袁淑真疏有

序有讚是袁疏兼有讚文且無集解之名乃本藏所收袁淑真

集解既無註疏之分章末無讚各節之首雖冠淑真曰三字然

其下悉與此疏同惟小有損益以是知此本之疏乃後人取袁

疏附李注因以疏文爲李作強加改竄致失袁疏舊名袁氏之例雖于

疏首冠淑真曰三字然疏中凡引他書加以詮釋者亦標淑真曰或袁氏曰爲別此本悉刪其文強相聯屬如袁本上卷所引

諸葛亮語每語加以引伸各冠淑真曰三字此本乃改爲鄺山母語並刪淑真曰各文致袁氏釋詞亦爲鄺山母語其誕妄有

若此並移袁讚爲李讚卽自然之道靜以下所引舊注及不疏云

云亦即袁注之文袁疏自然之道靜以下無復釋詞與今袁本此本注文經盡不疏合故定爲袁注

有疏無注遂弗克攷據通志所著錄袁書注疏各單行故玉海所記有疏無注今之集解即係單疏本改

題集解不知出自何時據宋志于袁氏注疏即集解耳此則亟

當辨正者也

宋人偽疏不僅一本玉海五陰符經條云又有六注謂太公范蠡鬼谷張良及筌也繫以正義不言

誰作後序中謂出于酈山老母亦間有無主名者略計太公之言八張良之言九鬼谷六諸葛五范蠡才一見而筌及正義尤

詳後有斷章三贊又道士希嚴作贊三十九首可謂備矣據王說是當時七家注本亦附疏文依後有三贊推之當亦袁疏所

云希嚴贊今不克考宋志列李筌陰符經疏一卷疑即王氏所見正義也 阮氏芸臺摯經室外集四

有李筌黃帝陰符經疏三卷提要謂與道藏本分目相符所據之本蓋從此本轉錄阮氏未知其出自袁氏則攷之未審也

黃帝陰符經注

閔字號五

黃帝陰符經注一卷題曰張果先生注不分篇章與七注本同惟字句稍異前有自序深以李注爲非又謂偶于道經藏中得陰符傳不知何代人製臣遂編之附而入注此即作注凡例故注中于伊尹太公鬼谷三注頗有所采於筌說則力加辨斥所引之傳即本序所云得自道藏之書也據唐志有張果陰符經太無傳一卷通志云陰符經一卷唐張果注陰符經太無傳一

卷唐張果得自道藏不詳作者是唐志所標太無傳即果序所稱陰符傳惟據果序言附注入傳則傳非離注單行又據舊唐書張果傳謂嘗著陰符經玄解盡其玄理崇文總目有陰符經玄義一卷張魯撰玄義即玄解魯乃果訛似果之所作別有玄解豈注即玄解異名而唐志所錄別爲單傳本抑係後人因傳由果得僞作果注及序文以傳附注其異名則爲玄解今不可攷然注文昭朗迥出他注上其解禽之制之烝易禽爲擒亦足備一解也

黃帝陰符經解

閩字號六

黃帝陰符經解一卷題云同知建隆觀事賜紫道士保寧大師臣蹇昌辰解此書通志有其目亦作一卷宋有兩建隆觀見玉海二十四蹇昌辰事跡無攷據宋有蹇序辰

宋史三百二十九

蹇逢辰

通志氏族略

均成都人昌辰殆其同族又道士稱知宮觀事始于政

和三年則昌辰乃北宋末之人矣此本所標之章約同李本惟分章不分卷又哲人以愚虞以下別標黃帝陰符演章字句亦間殊他本前有自序及陰符經事迹一篇定此經出自玄女且以前三百言爲玄女所授後百言爲黃帝演釋之詞均與分章旨合注就道家之旨立說頗仿文子諸書

黃帝陰符經注解

閩字號七

黃帝陰符經注解一卷題云綏州道民任照一注不分篇章經至文理哲止文字亦間殊他本前有自序注于舊說亦頗事採錄惟均沒其名且多主養生立說飾以內丹家言此書通志有著錄亦作一卷照一事雖無攷然其書之出必在夏宗禹講義前乃以丹術注斯經與沈亞夫所注旨同未知授自誰氏也

悟真篇注解

呂字號一至三

悟真篇注解三卷題曰象川無名子翁淵明注前有自序

末標無名